

Իր թերութիւններով հանդերձ այնուամենայնիվ մահալական մեղիքութեան կատարած դերն այդ երկու քսանամյակներում այնքան նշանավոր և կարևոր էր, որ երբ սենատոր Հանի մշակած օրենքի գործադրութիւնն ակնբախ կերպով ապացուցեց նրա հիմնական ելակետների սխալ և վնասակար լինելը, կառավարող շրջաններում լուրջ քննութեան դրվեց այն հարցը՝ թե արդյո՞ք նպատակահարմար չէ վերականգնել մահալական մեղիքական իրավասութիւնը և այդ ճանապարհով ռուսական վարչական կառուցվածքը հարմարեցնել: Ժողովրդին հասկանալի, հարազատ, հեղինակութիւն ձեռք բերած ավանդական սովորութիւններին: Այդ ձգտումով էր թելադրված 1843 թ. սեպտեմբերի 27-ի օրենքը, որի երկու հոդվածներով առաջարկվում էր զատեղատելներին կից հիմնել օգնականների պաշտոններ և այդ պաշտոնները կատարելու համար ներգրավել տեղական մելիքներից, բեկերից, աղալարներից ազդեցիկ մարդկանց, նույնպես աշխատել այդ հասարակական շերտից շատերին կարգել գյուղական համայնքներում ֆոյսլա, տանուէր, գյուղական մելիք:

ՍԵՆԱՏՈՐ ՀԱՆԻ ՕՐԵՆՔԻՑ ՀԵՏՈ

Սենատոր Հանը և իր աշխատակիցները շտապեցին հաղորդել Նիկոլայ I կայսեր, որ 1840 թ. հաստատված օրենքի համաձայն արդեն ամեն տեղ, թե՛ վրացական, և թե՛ մուսուլմանական գավառներում վարչական հին ապարատը վերացված է և 1841 թ. հունվարի 1-ից գործելու է նոր վարչական ապարատ: Շուտով, սակայն, սկսեցին Պետերբուրգ հասնել տեղեկութիւններ, որ կուլտուրական շատ տարբեր աստիճանների վրա կանգնած, անցյալից երբեմն չափազանց իրարից զանազանվող իրավահասկացողութիւնն ժառանգած, բազմալեզու և բազմակրոն անդրկովկասյան ժողովուրդների համար այդ օրենքի հիմնական կետերը խորթ են և անյուրացնելի և որ դժգոհութիւնն օրեցօր գրսեւորվում է ավելի և ավելի սուր բռնկումներով: Կայսրը զայրացած էր, քանի որ Հանին ինքը որոշ ցուցմունքներ էր տվել, որ օրենքը մշակելիս անպայմանորեն հաշվի առնվեն առանձին տեղերում գործադրվող սովորութիւնները: Նա իրեն խաբված էր համարում և ասում էր՝

«Տեսնում եմ Հանը միշտ ինձ խաբել է»¹

և հայհոյանքներ էր ուղղում նրա հասցեին: Անմիջապես կարգադրութիւն եղավ ամեն կերպ լրացուցիչ ուղղումներով մոտեցնել օրենքը ժողովրդի ըմբռնմանը և կայսրը ինքը իր վրա վերցրեց այդ իր ցուցմունքի գործադրութեան վրա անմիջական հսկողութիւնը: Այդպիսի մի լրացուցիչ օրենք էր, որ հաստատվեց 1843 թ. սեպտեմբերի 27-ին², որը նպատակ ուներ, ինչպես վերը ասվեց, տեղական մելիքների, բեկերի և աղալարների փորձառութիւնից և ազդեցութիւնից օգտվելով՝ բարձրացնել ռուսական պաշտոնեութեան հեղինակութիւնը և ավելի ճկուն դարձնել նոր ստեղծված վարչական ապարատը: Այդ փորձը սակայն չնչին արդուներ ունեցավ: Զանգեզուրում Գորիսի նախկին կառավարիչ մելիք Յարութիւնը վրդովված հետ մղեց գյուղում ժողովրդի

¹ Записки гр. Корфа, «Русская старина», январь, 1900 г., стр. 46—47.

² «Второе полное Собрание законов». Дополнение к т. XVIII, № 171856.